



**XIIIn Congrès de l'Association
Internationale d'Etudes Occitans
Albi, del 10 al de 15 julh de 2017**

Fidelitats e dissidèncias

Segonda circulara

Car-a-s collègas,
Car-a-s doctorant-a-s,

Vòstra proposicion de comunicacion es estada acceptada pel comitat scientific del XIIIn Congrès de l'AIEO mas encara vos cal complir dos procediments importants:

- vòstra inscripcion en linha
- la redaccion de la presentacion de vòstra comunicacion

Trobaretz çai-jos d'informacions sus aqueles dos procediments, e tanben sus diferents ponches mai.

L'inscripcion en linha

Las inscripcions al Congrès se fan en linha sul site segurizat de l'Universitat Tolosa-Joan Jaurès especialament consagrat a aqueste tipe d'activitats. L'URL d'aquel site, tanben accessible dempuèi lo site del Congrès, es <http://w3.colloquescprs.univ-tlse2.fr/spip.php?rubrique102&lang=fr> (version francesa, mas ennaut a drecha i a la possibilitat de passar a la version anglesa en clicant sus la bandièra correspondent).

Las inscripcions en linha son dobèrtas **del 20 de febrèr al 20 de març de 2017**. Après lo 20 de març de 2017, la tarifa normala de l'inscripcion passa de 100 a 130 €, e pels doctorants, de 35 a 55 €.

Après lo **30 de junh de 2017**, serà pas mai possible de s'inscriure electronicament e caldrà far l'inscripcion sus plaça pendent lo Congrès.

Per de rasons d'organizacion, vos mercejam de plan far atencion a las recomandacions seguentas:

- indicatz precisament quin es l'**establiment** que i sètz restacat/-da e lo país ont se tròba. Serà aital que vòstre establiment apareisserà suls documents que seràn faches publics;
- notatz precisament vòstre **estatut**. La question es particularament importanta pels doctorants, que pòdon, se s'escaï, beneficiar d'exoneracions;
- causir las **activitats** que i desiratz participar (visitas, concèrts, excursions, repais de galà...);
- se, pels repaisses, preferissètz un **regim especial** (vegetarian, vegetalian, intolerància a la lactòsa...), pensatz a o precisar dins lo quadre previst a tala fin (Remarcas).

Exempcion dels fraisses d'inscripcion:

- los doctorants que lors fraisses d'inscripcion son pas preses en carga per una institucion pòdon sollicitar l'exoneracion completa dels fraisses d'inscripcion. Per çò far, lor cal ténér l'atestacion d'inscripcion en doctorat e una atestacion de non engatjament de l'institucion que i son restacats/-adas e mandar aqueles documents a aico2017@univ-tlse2.fr; l'AIEO los convida al repais de galà del 14 de julhet.

Nota bene: una tarifa es prevista pels auditors, çò es las personas que comunican pas mas qu'assistisson a las comunicacions. Apuèja a 35 €. Aquò vos concernís pas, mas benlèu interessarà de personas que coneissètz.

Presentacion de la comunicacion

La presentacion de la comunicacion deu permetre al public de se far una idèa relativament precisa del subjècte que tractaretz. Cal que siá redigida dins la meteissa lenga que se farà la comunicacion. Deuriá pas superar los 2000 signes de longor, espacis compreses. Se pòt acompanhar d'una brèva partida bibliografica (qu'intra pas dins lo descompte dels 2000 signes, mas sas proporcions devon pasmens demorar rasonablas).

Aquela presentacion pòt èsser identica a la proposicion de comunicacion que s'aviá mandat al comitat scientific. S'aqueste a formulat de remarcas sus vòstre tèxte, vos es demandat de ne ténér compte per aquesta version.

Las presentacions de las comunicacions las cal adreïçar a aico2017@univ-tlse2.fr abans lo 20 de març de 2017.

Los luòcs del Congrès

Las activitats scientificas del Congrès se debanaràn del diluns 10 de julhet al dissabte 15 de julh de 2017 dins los locals del Centre nacional universitari Champollion (CNUC), d'Albi, plaça de Verdun. Tre l'intrada del campus, lo percors serà indicat per rejónher lo bastiment ont serem installats de planpè.

Pels luòcs ont se debanaràn d'autres activitats, vejatz çai-jos la seccion "Las grandas linhas del programa" (certans luòcs encara son de precisar).

Las grandas linhas del programa

Aqueste programa pòt encara èsser modificat marginalament. Lo detalh, que compren los oraris de las comunicacions, se sauprà al començament del mes de mai (tresena circulara).

Dimenge 9 de julhet

Los participants al Congrès que seràn arribats tre lo dimenge son convidats al Centre Ròchaguda ("Rochegude" en francés; 28 carrièra Ròchaguda, dins lo pargue Ròchaguda), a partir de 18 h 00, ont aurà luòc una degustacion de produches locals d'Albigés acompanhada d'un aperitiu.

Diluns 10 de julhet

L'aculhida dels participants se farà de 9 h 00 a 10 h 00 dins lo vestibul del bastiment qu'ocuparem al Centre nacional universitari Champollion d'Albi. Es lo bastiment Joan Jaurés, vasta bastissa del s. XIX a man drecha en intrant sul campus. Es aquí que cada intervenent retirarà lo dorsier personal que l'espèra (o qu'aquitarà los dreches d'inscripcion s'encara o a pas fach). Pels retardataris o las personas qu'arribaràn un autre jorn, s'assegurarà una permanéncia a l'acuèlh del Congrès.

A 10 h 30, dins l'anfiteatre Guilhèm de Cunh ("Guillaume de Cunh" en francés) o Olympe de Gouges (de precisar), dobertura del XII^e Congrès.

D'11 h 30 a 12 h 30, conferéncia inaugurala, dins l'anfiteatre Guilhèm de Cunh o Olympe de Gouges (de precisar).

Se poirà dinnar al restaurant universitari, sul campus.

Las comunicacions se debanaràn dins mai d'un obrador en parallèl de 14 h 00 a 16 h 30. I aurà una pausa de 15 h 00 a 15 h 30 per prene un refresc e favorir los escambis.

A 17 h 00, rendètz-vos a l'intrada del CNUC ont de buses nos encaminaràn cap al centre istoric e visitarem la catedrala Santa Ceselha.

A 19 h 00, recepcion a l'Ostal de la Comuna d'Albi per Stéphanie Guiraud-Chaumeil, consolessa d'Albi.

Serada liura.

Dimars 11 de julhet

De 8 h 30 a 10 h 00, las comunicacions se debanaràn en obradors parallèls.

A 10 h 00, pausa cafè.

De 10 h 30 a 11 h 30, las comunicacions se debanaràn en obradors parallèls.

D'11 h 30 a 12 h 30, conferéncia pleniera dins l'anfiteatre Guilhèm de Cunh o Olympe de Gouges (de precisar).

Se poirà dinnar al restaurant del campus.

De 14 h 00 a 16 h 30, tòrnan prene las comunicacions, amb una pausa de 15 h 00 a 15 h 30.

I a una segonda pausa de 17 h 00 a 17 h 30 abans una taula redonda prevista de 17 h 30 a 19 h 00 dins l'anfiteatre Guilhèm de Cunh o Olympe de Gouges (de precisar).

Repais liure.

A 21 h 00, concèrts (luòc de precisar).

Dimècres 12 de julhet

Rendètz-vos a 9 h 00 davant l'intrada del campus del CNUC per l'excursion pels luòcs d'interès d'Albigés.

Retorn previst a 18 h 00.

Serada liura.

Dijòus 13 de julhet

Meteis programa que lo dimars 11 de julhet.

En serada, concèrt del grop La Talvera (luòc de precisar).

Divendres 14 de julhet

Meteis programa que lo dimars 11 e lo dijòus 13 de julhet.

En aquel jorn de fèsta nacionala francesa, lo restaurant universitari serà barrat. Pel dinnar, un bufet serà servit sul campus (inscripcion en linha obligatòria).

En serada, repais de galà al restaurant La Part des Anges, emplaçat al som del grand teatre Scèna nacionala d'Albi (Scène nationale d'Albi), plaça de l'Amistat entre los pòbles (place de l'Amitié entre les peuples).

Pendent lo repais, fuòc d'artifici del 14 de julhet.

Dissabte 15 de julhet

De 8 h 30 a 10 h 00, las comunicacions se debanaràn en obradors parallèls.

A 10 h 00, pausa cafè.

A 10 h 30, taula redonda dins l'anfiteatre Guilhèm de Cunh o Olympe de Gouges (de precisar).

A 12 h 00, clausura del XII^e Congrès de l'AIEO.

Coma lo restaurant universitari serà barrat lo dissabte, pel dinnar, un bufet serà servit sul campus (inscripcion en linha obligatòria).

De 13 h 00 a 14 h 30, Assemblada generala de l'AIEO.

Debanament de las sesilhas

La presentacion oral de la comunicacion es de 25 minutas al pus mai, qu'almens 5 son reservadas a la discussion, en tot 30 min per intervencion. Estant que los obradors auràn luòc en parallèl e compte tengut dels oraris previstes per las activitats comunas, caldrà imperativament respectar los oraris. Los presidents de las sesilhas an per instruccion de velhar plan rigorosament a la puntualitat.

Las salas son proveidas de videoprojectors mas ni l'Universitat Tolosa-Joan Jaurés ni lo CNUC porgisson pas cap d'ordenador portable. Los intervenents son convidats a utilizar los lors (e a pensar a lor racòrd s'utilizan Mac).

Per las comunicacions, se poirà repartir d'exemplièrs al public. Los cal mandar abans lo 5 de julh de 2017 a aieo2017@univ-tlse2.fr.

Los participants que desirarián difusar de documents sonòrs son convidats a se far conèisser per mail a aieo2017@univ-tlse2.fr abans lo 1^{er} de junh de 2017.

Transpòrts

Es de bon arribar a la vila d'Albi en avion, en tren e en auto (autorota). Totas las precisions se tròban sul sit del Congrès <http://blogs.univ-tlse2.fr/aieo2017>.

Lo Centre nacional universitari Champollion ont se debana lo Congrès es a 15 min a pè del centre vila. I arriba una linha de bus regulara:

Linha R – estacion Université – frequéncia: cada 15 min – tarifas: 1,10 € anar simple / 2,10 € anar-tornar / 2,70 € bilheta per la jornada (illimitat).

Per nos contactar

XIIIn Congrès de l'AIEO
Laboratòri PLH (Joan Francés Courouau)
Ostal de la Recèrca
Universitat Tolosa-Joan Jaurés
5 andadas Antonio Machado
F-31058 TOLOSA cedex 9

Adreïça electronica: aieo2017@univ-tlse2.fr

Vos esperam nombrosas e nombroses a Albi per aquel grand moment dins la vida de nòstra associacion internacionala, essencial per la difusion e la discussion de nòstras recèrcas.
A lèu!

Lo comitat d'organizacion del XIIIn Congrès de l'AIEO
Tolosa, lo 25 de genièr de 2017